



Xabar

O'ZBEKISTON POCHTA VA TELEKOMMUNIKATSIYALAR AGENTLIGI NASHRI

1992 yil martdan chiqa boshlagan

2001 yil, 20 iyul № 29 (462)

Sotuvda narxi erkin



Тошкент телеминораси.

Т. ЛУТФУЛЛАЕВ
суратга олган

АХБОРОТ ТАХЛИЛ ГУРУҲИ

Ўзбекистон почта ва телекоммуникациялар агентлиги зиммасига юклатилган вазифаларни бажариш мақсадида "Молия ва Солиқлар" ўқув-илмий маслаҳат маркази ва Агентлик ўртасидаги келишувга биноан "Ахборот таҳлил гуруҳи" тузилди.

Мазкур гуруҳнинг асосий вазифалари этиб хо-

рижий давлатларнинг ва халқаро ташкилотларнинг ахборотларини ўрганиш, уларни таҳлил этиш, дунёда почта, телекоммуникациялар ва ахборот тизимларидаги ривожланиш жараёнларини ўрганиш ва бу ҳақда Агентлик раҳбариятига ахборот тайёрлаш белгиланди.

Ўз мухбиримиз

ҚУПАЙЛИК ЯРАТИЛДИ

"Андижон Телеком" акциядорлик жамияти Андижон шаҳар бўлимининг "Шолдирама" маҳалласида маҳаллий ва шаҳарлараро сўзлашув пункти иш бошлади. Мазкур ҳудудда Андижон тиллар педагогика институти, Андижон муҳандислик иқтисодиёт институти, "Хамкорбанк" марказий идораси, мактаб, коллежлар жойлашган. Сўзлашув пункти раҳбари Соибжон Алимовнинг айтишича, бу ердаги алоқа хизмати қулай ва арзонлиги сабабли доимий мижозлар билан гавжум экан.

Сўзлашув пункти иккита олий ўқув юрти ҳудудида жойлашганлиги туфайли талаба-

лар эҳтиёжи учун янги хизмат турлари — факс аппарати ўрнатиш ва қўшимча телефонларни қўпайтириш ҳам кўзда тутилган.

Ҳозирча Соибжон рафикаси Ш. Алимова, укаси С. Алимов билан биргаликда ўз уйининг бир қисмини сўзлашув маскани талабларига мос равишда жиҳозлаган. Хонада эълонлар, тарифлар, кодлар илиб қўйилган, операторнинг махсус формаси бор. "Андижон Телеком" акциядорлик жамиятига тегишли белгилар керакли жойларга қўйилган.

Р. УЗОҚОВ,
жамоатчи мухбиримиз

Ўзбекистон почта ва телекоммуникациялар агентлиги тасарруфида хўжалик ҳисобидаги тўртта болалар оромгоҳи Тошкент, Бухоро, Қашқадарё ва Наманган вилоятларида жойлашган. Ушбу

оромгоҳларда соғломлаштирилмоқда. Ҳозирги кунга келиб 2648 нафар алоқачиларнинг фарзандлари оромгоҳларда мириқиб дам олишди. Оролбўйи минтақаси, яъни Қорақалпоғистон

ЎЗ — ЎТМОҚДА СОЗ

дам олиш масканларида "Маънавият ва маърифат" хоналари ташкил этилиб, кутубхоналар давр талабига жавоб берадиган китоблар билан жиҳозланган. Мустақиллигимизнинг 10 йиллигига бағишланган стендлар тайёрланган, турли тўрақлар фаолият кўрсатмоқда. Шунингдек, спорт бўйича болалар ўртасида ҳар хил мусобақалар ўтказилмоқда.

Тармоқ оромгоҳи бўлмаган вилоятлардаги алоқачиларнинг фарзандлари бошқа

Республикасида 274 нафар, Хоразм вилоятидан 104 нафар болалар ёзги таътил кунларини соғломлаштириш масканларида ўтказмоқда.

"Оналар ва болалар йили" муносабати билан болажонларга йўлланмалар бепул ажратилмоқда. Оромгоҳларнинг эса сифатли маҳсулотлар билан вақтида таъминлаб турилиши касаба уюшмаси қўмитаси томонидан назоратта олинган.

Т. НАЗАРЖОНОВ

"COSCOM"НИНГ МИЖОЗЛАРИ КЎПАЙМОҚДА

"COSCOM" қўшма корхонасининг "COSCOM — Навоий" филиали қисқа вақт ичида ўз мижозларини топди.

Яқинда Зарафшон шаҳри ва Мурунтоғ қўрғонидан унинг янги пункти ишга тушди. Эндиликда бепоён Қизилқум ва Топдатов адириларида меҳнат қилаётган чорвадорлар ҳам "COSCOM" хизматидан фойдаланмоқда.

Зарафшонлик ва мурунтоғлик қончилар, хизматчилар, талбиркорлар вақти тежалаётганидан мамнун. Ҳозиргача корхонанинг бу ердаги мижозлари 300 дан ошди.

Тез кунларда Учқудуқ шаҳри аҳолиси ҳам "COSCOM" телефон хизматларидан фойдалана бошлайди.

Ўз мухбиримиз

"БИЛЛИНГ" МАРКАЗИ ИШГА ТУШДИ

"Жиззах Телеком" шўъба корхонасида "Биллинг" марказининг ишга тушиши алоқа хизмати ходимларининг ишида қулайлик яратди. Шу пайтгача бу ерда мижозларнинг қарер билан, қанча вақт сўзлашганлигини зудлик билан аниқлаш имкони йўқ эди. Бунинг учун ҳар ҳафта ёки ҳар ўн кунда Тошкентга қатнашга тўғри келарди. Эндиликда марказга ўрнатилган замонавий асбоб-

ускуналар ёрдамида бир кунда неча киши, қанча вақт сўзлашганлигини аниқлаш мумкин. Ўз навбатида корхонанинг дебиторлик қарзлари ошиб кетмаслиги олди олинмоқда. Шунингдек, вилоятнинг энг чекка Бахмал ва Мирзачўл туманлари аҳолиси учун ҳам бирмунча қулайликлар яратилди.

С. ДОНИШЕВ,
Жиззах вилояти

● Ўзбекистон Республикаси Вазирлар Маҳкамасида 2001 йилнинг биринчи ярим йиллигида мамлакатни ижтимоий-иқтисодий ривожлантириш яқунлари ва иқтисодий ислохотларнинг боришини баҳолашга бағишланган мажлис бўлиб ўтди. Мажлисни Ўзбекистон Республикаси Президенти И. Каримов бошқарди.

● Матбуотда "А. Э. Шайхонни Ўзбекистон Республикасининг Белгия Кириллигидаги Фавқулодда ва Мухтор Элчиси этиб тайинлаш тўғрисида"

ОЛАМДА НИМА ГАП?

● ЯНГИЛИКЛАР ● ВОКЕАЛАР ● ХАБАРАЛАР

Ўзбекистон Республикаси Президентининг Фармони эълон қилинди.

● Озарбойжон Президенти Г. Алиев табиий газ экспорти бўйича ҳукуматлараро битимни имзолаш мақсадида Грузия Президенти Э. Шеварднадзени Бокуга расман тақлиф қилди.

● Халқаро Олимпия қўмитасининг янги, саккизинчи президенти этиб бельгиялик Жак Рогг сайланди.

● Тинч океани узра

куёш энергияси билан учадигар Америка самолёти синовдан ўтказилди. Самолёт шовқинсиз учадигар нарса ундан ҳарбий мақсадларда фойдаланиш имконини беради.

● Америкалик оила-лардан бирида бирданига етти фарзанд дунёга келди. Беш ўғил ва икки қизалоқнинг ҳар қайсиси бир килограммга яқин вазнга эга. Чақалоқлар шифокорларнинг қатъий назорати остида турибди.

Почта алоқаси хизмати-га қўйиладиган асосий талаб — жўнатмаларни эгасига тез етказиб бериш. Бу борада "Фаргона почтаси" акциядорлик жамияти ходимлари томонидан кўрсатилаётган хизматлар миқозларининг ишончини қозонмоқда. Сўнгги йилларда почта корхоналари янги автомашиналар, компьютерлар билан таъминланди. Барча филиалларда телефакс хизмати ташкил қилинди. Тошкент шаҳри билан почта айирбошлашга махсус автомашина ажратилгани боис жўнатмаларнинг 2-3 соат олдин етиб келишига эришилди. Аммо, яратилаётган қатор имкониятларга қарамайдан вилоят давлат алоқа инспекцияси ходимлари томонидан жойларда қонуний ва меъёрий ҳужжатларни юритишда жиддий камчиликларга йўл қўйилаётгани аниқланди. Марғилон филиалида ўтказилган текширувда маълум бўлдики, почта айирбошлаш, почта қутиларидан хатларни олиш, алоқа бўлимларида суғурта қопларни етказиб бериш ва олиб келиш жадваллари бир-бири билан боғланмаган, почта ташишни ташкил қилиш йўриқномаси

талаби бузилган. Натижада жадвалда кўзда тутилган ишлар белгиланган вақтдан кечикиб бажарилмоқда. Жадвалда кўрсатилишича, автомашина Марғилон шаҳридан соат 8.55 да жўнаб, Фаргона шаҳри почта айирбошлаш бўлимига 9.35 да етиб келиши керак. Бироқ, текширув ўтказилган кун у 2 соатга яқин кечикиб келди.

Бу каби ҳолатлар натижасида алоқа бўлимлари билан почта айирбошлаш соат 12.20 да бошланиб соат 15.04 да якунланиши ўрнига соат 18.00 гача чўзилмоқда. Оқибатда почта жўнатмалари эгаларига кеч етказиб бериляпти.

Шаҳар ҳокимлиги билан филиал бошлиғи ҳамкорлигида тасдиқланган келишувга кўра хат-хабарларни почта қутиларидан махсус автомашина олиши керак. Бироқ хатларни алоқа бўлими бошлиқлари ва хабарчида бир кун қолиб кетмоқда. Ушбу ҳолатни тузатиш учун жадвални қайта кўриб чиқиш керак, холос.

• Бешга айтганнинг захри йўқ

хатлар филиалда бир кун қолиб кетаяпти. Шунингдек, почта қутилариданги ёзувлар ҳам хатларни олиш жадвалига тўғри келмайди.

Почтачилар иш тартиби жадвалида почта тарқатиш барча ҳудудларда соат 12.00 дан бошланиб, 16.00 да якунланиши кўзда тутилган.

Почта автомашинаси алоқа бўлимлари соат 12.40 дан 14.52 гача бориши керак. Афсуски, бу жадвал почта автомашинасининг алоқа бўлимлари етиб келиш имкониятлари ҳисобга олинмасдан тузилган.

Тошкент шаҳри билан почта алмашуви махсус автомашина орқали ташкил қилинган бери филиаллардан келган почта жўнатмалари вилоят почта айирбошлаш бўлимида бир кун қолиб кетмоқда. Ушбу ҳолатни тузатиш учун жадвални қайта кўриб чиқиш керак, холос.

У. УСМОНОВ,
Фаргона давлат алоқа инспекцияси катта инспектори

ЖАДВАЛ НИМА УЧУН ТУЗИЛАДИ?



"Кашқадарё Телеком" шўъба корхонаси Қарши шаҳар филиали линия аппарат цехининг навбатчи муҳандиси Людмила Яковлевна МЯСНИКОВА марказий пултдан алоқа техникасининг бир меъёрида ишлашини назорат қилиб боради.

Т. ЛУТФУЛЛАЕВ суратга олган

ҲАМКОРЛИК САМАРАЛИ БЎЛАДИ

"Huawei" телекоммуникация тармоқлари ускуналарини етказиб бериш бўйича Хитойда етакчи корхона ҳисобланади. Биз операторларга жуда кўп маҳсулотлар, жумладан рақамли коммутация тизимлари, SDH, WLL, GSM, IN, ATM узатиш тизимлари, Internetдан фойдаланиш ва тармоққа улааниш асбоб-ускуналарини тайёрлаб берамиз. Биргина Хитойдаги 20 миллиондан ортиқ линияда "Huawei" компанияси ускуналари ўрнатилган. Ҳозирги вақтда компания ўзига тегишли асосий маҳсулотлар бўйича Хитой бозорининг 30 фоизини банд қилган.

Кейинги ўн йилликда Хи-

той телекоммуникация саноати жадал суръатда ривожланди. Бугунги кунда Хитой телекоммуникация ускуналари бозори миқдор жиҳатидан дунё миқёсида иккинчи ўринни эгаллайди.

Кўпгина мамлакатлар аънавий телефон тармоқ операторлари хизматлари - ISDN, интеллектуал тармоқ, мультимедиа ва Internetларга катта эҳтиёж сезмоқда. Мазкур эҳтиёжни қондириш мақсадида коммутация, шлюзлар, интеллектуал тармоқлар, IP соҳасида энг замонавий имкониятларни намоён этиш мақсадида тармоқдан фойдаланиш ҳамда коммутация бўйича ўз ускуналаримиз-

ни яратишга бел боғладик.

"Huawei Technologies Co., Ltd" компанияси турли рақамли телекоммуникация ускуналарини етказиб берувчи корхона сифатида Ўзбекистон Республикаси Вазирлар Маҳкамаси, Ўзбекистон почта ва телекоммуникациялар агентлиги, "Ўзбектелеком" АК ҳамда Фан-техника ва маркетинг талқиқотлари маркази билан мустақам алоқалар ўрнатди. Бундан ташқари, компания республиканинг барча вилоят операторлари билан ҳамкорлиқни кенгайтириш устида тинмай иш олиб бормоқда.

Цуй ЦЗЯНГАО,

"Huawei Technologies Co., Ltd"нинг Ўзбекистондаги ваколатхонаси Бош директори

НАШРЛАРНИ МУНТАЗАМ

Газета ва КУЗАТАМАН жи борица улар-ни бир-бир ва-

журналларнинг кунилик савдоси матбуот ва ўқувчилар орасидаги муносабатни белгилаб беради. "Матбуот тарқатувчи" акционерлик компаниясига қарашли 538-дўкон сотувчиси Дилором САРИМ-СОҚОВАнинг ҳам фикри шундай.

— Дўконга газеталар эрта-лаб соат 7.00-7.30 атрофида ет-казиб келинади, — дейди со-тувчи. — Лекин ахборотга чанқоқ, янгиликка интиқ ҳамюртларимиз орасида газета ва журналларни бундан ҳам эртароқ келиб сўрайдиганлари учраб туради. Баъзилари эса мендан қайси нашрда қандай

мақола чиққанлигини сўраб сориштиради. Шунанга мувофиқ-лар учун ҳам нашрларни мун-тазам кузатиб бораман. Сўнг сўрагандарга сўзлаб бераман. Бу ҳам оз бўлса-да савоб-қу, ахир. Чунки газеталаримиз қиммат, ҳаммасини харид қилиб олиш қийин.

— Дўкон пештахталарида узоқ туриб қоладиган ёки ўз ўқувчисини тополмаган на-шрлар ҳам учрайдими?

— Қайсидир нашрлар кўпроқ сотилади, айримлари камроқ, лекин ҳар бир газета-нинг ўз ўқувчиси бор. Қола-верса, ҳозирги бозор иқтисоди-ёти даврида муштарийлар ҳам анча-мунча зийраклашиб қолишган. Дастлаб газеталар-ни обдон кузатишиб, саҳифа-лардан ўзларига ёқадиган ма-взун топшисагина сотиб ола-дилар. Шу боис эрталаб на-шрлар келиши биланоқ ило-

рақлаб кўраман. Ўқувчилар кўнглига ёқадиган, қизиқарли мақолаларни кўринарли қилиб дўкон пештоқига осиб қўяман. Газеталарни вақтида сотилиши-га шу ҳам таъсир қилади.

— Ойлик режалар бажари-ляптими?

— Ўқувчиларимиз маънави-ятга қанчалик ташна бўлса, бизнинг режаларимиз ҳам ўз вақтида бажарилаверадилар. Ҳозир ҳам ойлик режаларни 85-90 фо-изга уддалаяпмиз.

— Холис бир ўқувчи сифа-тида нашрларга шахсий муно-сабатингизни ҳам айтиб ўтсан-гиз.

— Харидорларнинг акса-рияти ҳар хил бошқотирма-лар, оила, муҳаббат ёки қизиқарли хабарларга бой нашрларни сўрашади. Маса-лан, "Даракчи", "Постда", "Оила ва жамият", "Эрудит", "7х7" шулар жумласидан. "Труд", "Аргументы и фак-ты" газеталарида эса жаҳон-да рўй бераётган ҳодисалар кенг ўрин олган. Бу ҳам одамларни ўзига тортити та-биий ҳол.

Инсон қанча кўп ўқиса дунёқараши шунча кенгайди, мустақил фикрга эга бўла бо-ради.

Мен муштарийларни кўпроқ мутолаа қилишга ча-қираман.

Ш. ИСМОИЛОВ
суҳбатлашди

РУЛДА

СЎЗЛАШИШ ТАКИҚЛАНАДИ

Бугунги тараққиётни гига ким кафолат бера уяли телефонсиз тасав-вур этиш қийин. Негаки, тадбиркор ушбилармон-лар учун қўл телефони-нинг фойдаси катта. Ав-валамбор, у вақтни те-жайди. Аммо унинг фой-дасидан ташқари зиёни ҳам бор. Машина ҳайда-ётиб ҳам телефонда сўзлашишнинг зарари қанчалар улканлигини та-саввур қила оласизми?

Афсуски, бундай ҳоллар республикаимизда ҳам одатга айланиб бормоқ-да. Бир қўл рулда, бир қўл телефонда, кўзи йўлда ҳаёли суҳбатда бўлган ҳайдовчининг бўлган ҳайдовчининг сўзлашишнинг зарари қанчалар улканлигини та-саввур қила оласизми? Афсуски, бундай ҳоллар республикаимизда ҳам одатга айланиб бормоқ-да. Бир қўл рулда, бир қўл телефонда, кўзи йўлда ҳаёли суҳбатда бўлган ҳайдовчининг бўлган ҳайдовчининг сўзлашишнинг зарари қанчалар улканлигини та-саввур қила оласизми? Афсуски, бундай ҳоллар республикаимизда ҳам одатга айланиб бормоқ-да. Бир қўл рулда, бир қўл телефонда, кўзи йўлда ҳаёли суҳбатда бўлган ҳайдовчининг бўлган ҳайдовчининг сўзлашишнинг зарари қанчалар улканлигини та-саввур қила оласизми?

ТАВРИКЛАЙМИЗ!

"Андижон Телеком" акциядорлик жа-мияти ва вилоят алоқа ходимлари бирлаш-ган касаба уюшмаси кўмитаси жамоаси Кўрғонтепа филиали директори Иброҳимжон ТИЛ-ЛАБОВЕВ, корхона электралоқа бўлими муҳандиси Муслим ФАХРУТДИНОВларни 60 ёши билан қиз-гин табриклайди. Уларга мустақам соғлиқ, ишлари-да зафарлар ва оилавий хотиржамлик тилайди.

Хар бир юртининг ўз тарихий шахслари бор. Италия ҳақида гап кетганда эса кўз олдинга Юлий Цезарь намоён бўлади. Чунки қудратли Италия тарихида атоқли давлат арбоби, буюк генерал Юлий Цезарнинг ўрни бекибди. Ҳарбий соҳанинг устаси бўлган жасур саркарда Римни ўз империясининг марказига айлантирганди. Қолаверса, Цезар нотиклик ва ёзувчилик қобилияти билан ҳам оламга танилган. Худлас, сиёсий жиҳатдан ҳам етук бу инсон ўз ҳарбий юришлари ва эришган ғалабалари билан Рим халқининг яқка ҳукмдорига айланган эди. Императорнинг қудрати, сиёсати ва кучи туфайли душманлари узоқ йиллар унга қарши чиқишга ҳайқиб яшадилар...

Юлий Цезар милоддан аввалги 100 йили Римда, аристократ оиласида дунёга келган. У ўн етти ёшида ўз даврининг

● Маъшхур кишилар ҳаётидан

да мавқега эга бўлиш учун ғалабалар кераклигини яхши биларди. Шу боис ҳам милоддан аввалги 58-йилда Францияга жангга отланди. У ерда ўтказган тўққиз йиллик умри давомида атиги икки мартагина ғалабани бой бергани унинг ҳарбий қобилиятини далолат эди. Цезар ўз режасидати барча ҳудудларни босиб олди.

Милоддан аввалги 55-54 йилларда Буюк Британияга қарши ҳам уруш эълон қилди. Қўлга киритган ютуқлар эса Цезарни маъшхурлик супасига кўтариб чиқди. Унинг шарафига катта-катта зиёфатлар уюштирилган экан, энди ана шу зиёфатларда ўтирганлар орасида унинг ғалабасини кўролмайдиган ҳасадгўйлар ҳам пайдо бўла бошлаган эди. Улардан

РИМНИНГ БУЮК ИМПЕРАТОРИ

маъшхур давлат арбоби саналган Райс Мериуснинг қавми Карнелия Синнага уйланади. Аммо, бу никоҳга қарши чиққан Римнинг аристократ ҳукмдори Лукус Сулла Цезарга Карнелиядан ажралишини буюрди. Юлий эса бу талабни рад этиб, фалсафа ва нотикликдан сабоқ олиш учун Грецияга жўнаб кетди.

Бироз вақт ўтгач, Сулла ундан уэр сўради ва Цезар яна Римга қайтди. Цезар ва Карнелия ягона фарзандлари — Жулиани тарбиялаб voyга етказишди. Шундай кунларнинг бирида, милоддан аввалги 68-йилда Карнелия қутилмаганда ҳаётдан кўз юмди ва Цезарни бирмунча довдиратиб қўйди. Каттиқ қайғуда бўлишига қарамасдан Цезар душманлари олдида қаддини тик тутишга уринди ва яна давлат ишларига шўнгиди. Милоддан аввалги 65-йилда у оддий ишга тайинлангач, жамоат ишларида фаоллик кўрсата бошлади. У турли тadbирларни уюштиришда ўз ҳисобидан маблағ сарфлашдан қайтмасди. Гарчанд қарзга ботаётган бўлсада, Цезар шу йўл билан халқнинг меҳрини қозона борди. Милоддан аввалги 62-йилга келиб эса у давлатнинг асосий кишисига айланиб улгурганди.

Уша йилларда Рим сиёсатчиларидан бири Кетилин давлатга қарши "фитна" режасини тузди. Режага биноан, шу даврнинг кўзга кўринган аристократ сиёсатчилари, давлат арбоблари халқ олдида шармандаи шармисор қилиниши керак эди. Рўйхатга Цезар ҳам киритилганди. Лекин Кетилин Цезарнинг сиёсий мавқеидан чўчиди.

Милоддан аввалги 60-йилда Юлий Цезар Рим давлатини бошқаришда катта кучга эга бўлган Мардеуз ва Помпей ўртасида иттифоқ низомини тузди. Мардеуз ўша даврда кўзга кўринган сиёсатчи, Помпей эса давлатнинг ҳарбий кучларига раҳбар эди.

Милоддан аввалги 59-йилда консул этиб сайланди. Сўнгра давлатнинг учта шимолӣ вилоятида дипломатик ишларни олиб борди. Бир йил ўтб-ўтмай, Цезар Люсусининг қизи Калпурнига уйланди. Помпей эса Цезарнинг қизи Жулиага никоҳланди.

Цезар давлат миқёсида яна-

бири бўлган Помпей ҳатто консерватив кучлар билан иттифоқ тузишгача борди ва улар Цезарнинг армиядан воз кечишини талаб қилиб чиқишди. Оқибатда ўртадаги низо жангга айланиб кетди. Бу қирғин-барот милоддан аввалги 48-йилда бўлиб ўтди. Цезарга қаршилар Помпей тарафига қўшилди. Бу жанг ҳам Цезар ғалабаси билан якунланди ва у Италиянинг яқка ҳукмдорига айланди. Аммо Помпей ва унинг издошлари низолагарга чек қўйиш учун Цезарнинг беш йил умри кетди.

Милоддан аввалги 49-йилда у Рим империясини тузди ва ўша йили Грецияга сафар қилди. Йўлда эса уни яна Помпей қўшинлари қутаётган эди. Аммо кучли зарбадан сўнг Помпей Мисрга қочишга мажбур бўлди. Цезар низолагарга чек қўйиш учун унинг изидан борди. Аммо унга Помпейнинг ўлдирилганини айтишди. Цезар шу ерда Миср маликаси Клеопатрани учратди.

Римга қайтиш олдида Цезар Миср ҳукмдорлиги учун урушда қатнашди. Ғалабани кўлга киритгач, Клеопатрани Миср ҳукмдори этиб тайинлади. Кейинчалик император уни Римга олиб келди.

Помпей ўлимидан сўнг унинг издошлари қайтадан қўшин тўплади. Милоддан аввалги 46-йилда уларнинг Шимолӣ Африкада Цезарга қарши жанг қилганлиги маълум. Ғалаба эса бу сафар ҳам Цезарга қулиб боқди. У энди енгилмас, қудратли, яқка ҳукмдорга айланган эди.

Помпей издошлари энди Цезарга қарши яширин ҳужумга ўтдилар. Милоддан аввалги 44-йилда улар император ҳаётига суиқасд уюштиришди. Сенаторлик мажлисига кириб келатган Цезарга фитначилар тўдаси ҳужум қилиб, унинг кўксини 20 жойидан яраладилар. Ҳеч ким енга олмаган Римнинг яқка ҳукмдори умрига шу зайлда нуқта қўйилди.

Цезар тарихда нафақат шох, балки бир қатор кашфиётлар муаллифи сифатида ҳам танилган. Жумладан у биринчи бўлиб тақвим яратган олимдир.

И. АХМЕДОВ тайёрлади

ПАЙҒАМБАРИМИЗ НАСИХАТЛАРИ

Қўшининг яхшилик қил — тинч бўласан. Ўзинг севган нарсани одамларга ҳам раво қур — саломат юрасан. Қўп қулма. Қўп қулиш дилни ўлдиради.

Ҳалокатга олиб борувчи еттига гуноҳдан сақланинлар:

1. Тангрига ширк келтирмоқ (Оллоҳни бирдан ортиқ демок).
2. Сехр ишлари билан шуғулланмоқ.
3. Бировни ноҳақ ўлдирмоқ.
4. Судхўрлик.
5. Етимлар молини емоқ.
6. Ватан мудофеаси учун бўлаётган урушдан қочмоқ.
7. Эрли, муслима, ифбатли аёлларни фоҳиша деб ҳақоратламоқ.

Ароқдан сақланинлар, чунки у барча ёмонликларнинг қалитидир.

Тангри наздида уйларнинг яхшироғи — стимулар иззат қилинадиган уйдир.

Савобли иш қилганингда хурсанд бўлсанг, гуноҳ иш қилганингда эса хафа бўлсанг, демек сен ҳақиқий мўминдирсан.

Одамларга кенг юракли бўлинглар, шунда одамлар ҳам сизларга шундай бўлурлар.



Бухоро. Чорминор мақбараси.

БУ ҚИЗИК!

- Рассом Пабло Пикассо болалигидан соч олдиришга қўрққан. Агарда бирор киши шляпасини қаравот устига ташласа ёки хонада ёмғирпўшини очса, шу ерда турган одамлардан бирортаси йил охиригача вафот этади деб ирим қилган. У испанларнинг иримига рия қилиши етмагандй, хотини Ольга айтиб берган рус иримларига ҳам ишонган. Шунга кўра, йўлга чиқадиган олдин ҳаммани бир зум сафар олдида ўтиришга мажбур этган. Стол устидаги бўлка нонни бошқа томонига ағдариб қўйишни ҳам офат дарақчиси деб билган.
- Гётенинг эса тамаки ҳидидан кўнгли айниган. У Шиллердан бошқа бирорта ҳам чекувчи одам билан мулоқотда бўлмаган. Пиво ичавериб, семириб кетган ва тамаки ҳидидан боши гангиган тентаклар Германияни ҳалокатга маҳкум этади деб ҳисоблаган.
- Владимир Ленин, Генри Форд, Наполеон, Конрад Аденауэр ва Британия қироличиси Виктория ҳам тамаки ҳидини ёқтиришмаган.
- Қўшимча қиймат назарияси асосчиси Карл Маркс амалда пул ҳисоб-китобини билмаган. Берлинда ўқиб юрганида 18 ёшли талаба курсдошларига нисбатан уч баробар кўп пул сарфлар экан. У отасидан ташқари, яширинча онасидан пул сўраб турган, баъзан у кам бераётганидан хафа бўларкан.

«Хавар» газетаси жамоаси таҳрир хайъати аъзоси Ёқубжон Хўжамбердиевга акаси

Тургунбой ХўЖАМБЕРДИЕВнинг вафот этганлиги муносабати билан чуқур ҳамдардлик билдиради.

«Қашқадарё Телеком» шўъба корхонаси Чироқчи филиали жамоаси корхона бош ҳисобчиси Окёй Назаровга онаси Бодом момо ЭЛМУРОДОВАнинг вафоти муносабати билан чуқур таъзия билдиради.

«Қашқадарё Телеком» шўъба корхонаси Чироқчи филиали жамоаси корхона АТС муҳандиси Сиддиқ Мухаммадиевга отаси Парда МУХАММАДИЕВнинг вафоти муносабати билан чуқур ҳамдардлик билдиради.

МУАССИС:
Ўзбекистон почта ва телекоммуникациялар агентлиги

Бош муҳаррир:
Шодмон
ОТАБЕК

ТАХРИР ХАЙЪАТИ:

Шомансур ОБИДХУҲАЕВ
Шухрат ЖАББОР
Анатолий КУДИНОВ
Иззат АХМЕДОВ
(Бош муҳаррир ўринбосари)
Мирпўлат МИРЗО
Рустам ҚОСИМОВ
Қуробой ТЎЛЕБОВ
Ёқубжон ХЎЖАМБЕРДИ

ЖАМОАТЧИЛИК
КЕНГАШИ:

Саидмахмуд АКБАРОВ
Шохрух АКБАРОВ
Ортиқбой АБДУЛЛАЕВ
Меҳмонкул ИСЛОМҚУЛОВ
Тўлқин ЛУТФУЛЛАЕВ
Бобохон ШАРИФ

МАНЗИЛИМИЗ: 700000,
Тошкент-35, А. Толстой
кўчаси, 1.



ТЕЛЕФОНИМИЗ:
136-36-42, 136-35-29,
144-29-09.
Факс: 136-36-42.
ИНДЕКС: 64600
ЖУМА КУНЛАРИ
ЧИҚАДИ

Тахририятга келган қўл-ёзмалар (2 ораликда, 5 бетдан ошмаслиги лозим) ва суратлар муаллифларга қайтарилмайди. Мақола-лардаги фикр-мулоҳазалар, келтирилган факт ва рақамлар масъулияти муаллифлар зиммасидадир.

Газета Ўзбекистон Республикаси Давлат матбуот қўмитасида 00011 рақам билан рўйхатга олинган.

Буюртма № Г-2639.

4899 нусхада чоп этилди.

Офсет усулида босилди.

Бичими А-3, ҳажми 1

босма табоқ.

Газета тахририят компьютер базасида терилди ва саҳифаланди.

«ШАРҚ» НАШАРИЁТ-МАТБАА
АКЦИЯДОРЛИК
КОМПАНИЯСИ
БОСМАХОНАСИ.
Манзили:
Тошкент шаҳри,
«Буюк Турон» кўчаси,
41-уй.

Босишга топширилди — 19.00
Босишга топшириш вақти — 18.00

1 2 3 4 5 6